



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-37535-43/20
Sarajevo, 14.10.2020. godine

**KABINET PREDSEDavajućEG I ZAMJENIKA PREDSEDavajućEG SKUPŠTINE
KANTONA SARAJEVO**
n/r Predsjedavajućeg

PREDMET: Odgovor na Zastupničku inicijativu zastupnice Neire Dizdarević, dostavlja se
(Veza: Vaš akt broj: 01-04-37535-43/20 od 01.10.2020. godine)

Zastupnica u Skupštini Kantona Sarajevo, Neira Dizdarević, na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koja glasi:

"Sekretari osnovnih škola sa područja Kantona Sarajevo obratili su mi se u vezi problema sa kojima se susreću u obavljanju poslova javnih nabavki. Molim da analizirate dopis koji su mi dostavili, te poduzmete potrebne korake. Također molim Vladu KS i resorna ministarstva, kao i Ured za korupciju da omoguće održavanje radnih sastanaka sa sekretarima osnovnih škola, u kojima bih kao zastupnica imala učešće, a sve s ciljem pronalaska efikasnog rješenja za pomenute probleme".

U vezi sa navedenom zastupničkom inicijativom, informišemo Vas da je Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) osnovan Uredbom o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", br. 07/18, 21/19 i 05/20) te da su nadležnosti i djelokrug rada Ureda, kao stručne službe Vlade Kantona Sarajevo, propisane u istoj.

U članu 2. stav (1), ranije navedene Uredbe, propisano je da Ured vrši stručne, operativne i administrativno tehničke poslove u vezi sa, između ostalog, tačka b) istog člana i stava propisuje: "kontrolu javnih nabavki koja podrazumijeva kontrolu zakonitosti i kontrolu svrsishodnosti svih javnih nabavki koje provode ugovorni organi čiji je osnivač Kanton Sarajevo".

Vlada Kantona Sarajevo donijela je Uredbu o kontroli javnih nabavki u svim institucijama čiji je osnivač Kanton Sarajevo ("Službene novine Kantona Sarajevo", br. 27/19, 29/19, 49/19 i 13/20), u kojoj je u članu 46., stav (1) propisano da Ured vrši kontrolu javnih nabavki u Kantonu Sarajevo.

Primjena ove Uredbe počinje od 01.01.2021. godine.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,
Sarajevo, Reisa Džemaludina Čauševića 1



Vlada Kantona Sarajevo donijela je Odluku o organizaciji obuka iz oblasti javnih nabavki za uposlenike institucija čiji je osnivač Kanton Sarajevo ("Službene novine Kantona Sarajevo", broj: 28/20), u kojoj je propisano da Ured organizuje obuke iz oblasti javnih nabavki za uposlenike institucija (ugovornih organa) čiji je osnivač Kanton Sarajevo.


U proteklom periodu Ured je ostvario korespondenciju sa institucijama čiji je osnivač Kanton Sarajevo, odnosno sa institucijama na koje se odnosi obaveza primjene odredbi Uredbe o kontroli javnih nabavki u svim institucijama čiji je osnivač Kanton Sarajevo, u smislu sačinjavanja liste uposlenika ugovornih organa koji će proći obuke iz oblasti javnih nabavki.

Ured u saradnji sa Agencijom za državnu službu Federacije Bosne i Hercegovine planira, krajem oktobra i početkom novembra tekuće godine, provesti ranije navedene obuke.

Imajući u vidu ranije navedene nadležnosti Ureda u oblasti javnih nabavki, informišemo Vas da Ured nema ingerencije da postupa po pitanjima organizacionog pozicioniranja kadrova unutar ugovornih organa, odnosno institucija čiji je osnivač Kanton Sarajevo, a što se traži u dopisu sekretara osnovnih škola koje je sastavni dio Vaše inicijate.

Shodno ranije navedenom, a u cilju razmatranja i postupanja po zahtjevima koji su navedeni u dopisu sekretara osnovnih škola, Ured će u narednom periodu inicirati sastanak na kojem će biti planirano prisustvo predstavnika Ministarstva za obrazovanje, nauku i mlade Kantona Sarajevo, Ministarstva pravde i uprave Kantona Sarajevo, Ureda i sekretara osnovnih škola u Kantonu Sarajevo, a o svemu ćete biti blagovremeno obaviješteni.

S poštovanjem,



Drduan Kafedžić

Dostaviti:

- ① Naslovu
2. Stručna služba Vlade
3. a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,
Sarajevo, Reisa Džemaludina Čauševića 1

